

Christmas Baebol Stadi 2021

“Glory to God in the highest heaven and peace
on earth to those with whom he is pleased”

Luk.2:14

God I kam man thru long Jisas Kraes.

1 Timothy 3:16

Fas Tok

Happy Christmas long yumi, hemia study blong Christmas blong yumi long yia 2021. Plante samting, I happen long yumi. Mi wantem blong yumi evri wan I luk long God olsem God blong Past, Tudei mo long taem we bambae ikam yet. Mo yumi trustem hem long olgeta samting long laef blong yumi long evri samting we yumi mekem long Christmas selebresen ya long 2021.

Bambae yumi tekem 3 naet blong yumi gat stadi blong krismas blong I leftemap tingting blong yumi hao God I wok long laef blong yumi mo yumi ol biliva long tok ya blong hem.

God long glad hat blong hem I givim salvation long man thru piknini ya blong hem Jisas Kraes. Spos yumi lukluk gud long Kwesten ya “From wanem I gat Krismas?”

Luke 2:14: Long heven antap we antap olgeta oli stap leftemap nem blong God. Mo long wol ya, pis istap wetem ol man we God I glad long olgeta.

Long yia bambae yumi gat tri naet Baebol Stadi mo long namba 4 naet yumi gat ol drama we bambae I kam long yut mo Sunday scholl blong yumi long ol CLC blong yumi.

Wan kwesten we yumi ol Kristin man mo woman I mas askem se from wanem Christmas?

1. Long personal laef blong yu igat Christmas?
2. Long jyos mo CLC igat Christmas?
3. Yumi save gud Christmas olsem wan Christain selebresen?

Plante man I wantem tumas blong oli selebretem Krismas be oli no save mining blong hem. Sam long yumi we istap tu oli no biliv long Christmas. Oli mekem olsem we Christmas hemi wan dei blong exchange long ol present mo taem blong mekem lafet wetem ol memba blong ol familis. Yumi mekem lafet we hemi wan gud samting be yumi ol kristin man I mas save prapa mining blong krismas.

Krismas hemi wan selebren blong yumi ol kristin man be ino blong ol man we oli no biliv long Jisas Kraes pikinini blong God. Tudei taem yumi selebretem krismas bambae olgeta Mormon, Bahai Jehova Witnes mo ol narafala cult movment tu oli selebretem. Be long olgeta I wanem selebren ya blong talem we Jisas ikam king blong ol man long wol?

Krismas hemi wan taem we yumi ol Kristin man I tingbaot taem we God ikam man long wol ya (Incarnation of God)

Bambae evri man Vanuatu I selebretem Krismas be ino evri wan I biliv long Birth blong Masta Jisas Kraes olsem we yumi ol Kristin I biliv long hem. Olsem we Jisas I kam Sevia blong wol mo hemi I God mo I laef mo liv wetem man.

Day 1 Study. Jenisis 3:15 Him NLB4 No. 41

Taem we felosip ya I brok Adam mo I traem blong mekem rod blong tufala mo haedem sin blong tufala mo tufala I somap lif blong fig blong tufala I barbar long hem be no gat. Jen.3:7 God imas kam bak blong mekem wok ya bagaken blong tufala. God imekem skin blong anamol blong tufala i kavremap bodi blong tufala long hem. Jen.3:21 Felosip we I brok hemi wan spiritual samting we God I designem blong I stap bitwin hem mo man.

Storian blong Christmas I stat long Genesis taem felosip blong man mo God I brok mo man I mas muvaot long garen blong Eden.

Gen3:15 (Ridim long BB.) And I will put an enmity between you and the woman and between your offspring and hers he will crush your head and you will strike his heel. God I tok long woman ya mo ino letem sin ya istap olsem be hemi go hed blong tok mo act long fiuja blong man mo woman blong sevem tufala.

Gen.3:23 Felosip blong man wetem God I brok from disobediens long garen blong Eden. Ples we I gat ful felosip blong God wetem man olsem purity, holiness, beautiness, presens, anointing.

Gen 3:21 God ino lego tufala I naked olsem from fasin blong disobediens blong tufala be I mekem klos blong tufala long skin blong anamol mo tufala I putum blong kavremap bodi blong tufala. Be God I luk olsem we hemi ino naf. Holines blong Garen, beauti, blong garen righteousness blong God I no mo stap long stage we istap mo I lusum ples blong hem.

Mo God I mekem wan narafala plan blong tekem bak image we I bin destroy by diobediens blong Adam mo I. God I mas sendem wan only pikinini blong hem ikam long wol blong tekem bak sin blong wol ya long wan cross. Hemi wan bigfala wok we God imas mekem. Yumi mas selebret long mak blong God long fasin we God I glad.

(GNB) Rev. 12:17 The dragon was furious with the woman and went off to fight against the rest of her descendants, all those who obey God's commandments and are faithful to the truth revealed by Jesus

(GNB) Isa.7:14 Well a sign: a young woman who is pregnant will have a son and will name him Immanuel.

Bambae yumi stap blong selebretem Birth blong Masta blong yumi Jisas Kraes we hemi Krismas bambae hamas man I givim laef blong olgeta blong Jisas I boss long hem. Hamas Christian man mo woman bambae oli haed blong tekem wan drink olsem tusker mo ol alkol drink blong selebreten birth blong Jisas?

Naet 2 Stadi Luke 2:1-7 NLB 4 .No.43

Josef mo Meri I go long Bethlehem blong oli gat wan sensus we ol man oli mas registerlong taem we Quirinius hemi stap olsem Govenor blong Syria long yia. I gud blong yumi save we Jisas I bon long wan taem we Herod istap long paoa Matt.2:1a Jesus was bon in the town of Bethlehem in Judea. During the time when Herod was King

V1-7 Taem I kam stret mo plan blong God long wol ya God ikam man thru Jisas Kraes I bon blong sevem wol ya. Mi wantem blong yumi lukluk long toktok ya "INCARNATION"

God ikam man thru long Jisas Kraes. 1Tim.3:16. "Mo I tru stampa blong bilif blong yumi hemi wan bigfala samting mo naoia GOD I SOEMAOT I KLIA long yumi. Stampa blong bilif ya I olsem." God ikam man tru long Jisas Kraes, blong yumi save hem, mo Tabu Spirit I soemaot I klia we man ya stret olgeta, mo ol enjel tu oli luk hem, mo ol man blong narafala kantri oli harem Gud Nius blong hem mo ol man long evri ples long wol oli bilif long hem mo God I tekem hem I go antap igo stap wetem hem long Heven.

God ikam man tru long Jisas Kraes hemi wan bigfala samting long yumi ol kristin man mo woman. Taem yumi luk long plan ya blong God I olsem we God I jajem finis fasin ya blong sin. **Rom8:3 God I jajem finis fasin ya blong sin we I stap wok long laef ya blong man, fasin ya bambae I lus, Loa blong God ino save kilimaot fasin ya from rabis fasin blog man I spolem paoa blong Loa ya finis. Be God I jajem fasin ya finis. Hemi I sanem pikinini ya blong hem, we taem hemi kam hemi man olsem yumi we yumi man blong mekem sin. Pikinini ya hemi ikam blong hemi I ded ol sin blong yumi.**

Yumi ol kristins I mas save gud from wanem 'KRISMAS' God I gat purpose blong Jisas I kam long wol.

Mission blong God I karemaot plan blong hem long taem ya ino olsem we yumi save tingbaot se hemi isi.

Matt.2:8 Go and make a careful search for the child and when you find him let me know so that I too may go and worship him.

Matt 2:11 they went into the house and when they saw the child with his Mother Mary they knelt down and worshiped him. They brought out their gifts of gold, frankincense and myrrh and presented them to him.

Olgeta present ya I blong I blong talemaot hu ya man ya long laef blong hem long fiuja blong ol laen blong Isrel. Gold olsem saen we bambae hemi kam king we bambae I stap olsem mo I blong olgeta man, Frankincense wan senta we I talemaot we pikinini ya I God mo tu Myrrh wan senta we I konkon blong soemaot se bambae pikinini I haren nogud mo bambae I sevem ol man long wol ya from sin blong olgeta. Ol present ya oli ol profetic gifts we I talem aot se fiuja blong pikinini ya I olsem wan man blong sevem ol man long sin blong olgeta.

Kwesten.

1. Sol blong yu I worth wan samting we yu wantem blong Jisas I sevem?
2. Hao nao yu lukluk long wok ya blong God we kam blong sevem ol man?

Naet 3 Stadi

Day 5 Baebol Riding Luk 2:8-14 NLB 4 No.44

V9 Hae God I stap Laet mo presens blong hem long olgeta man blong lukaot long ol sipsip. Be ol man blong lukaot long ol sipsip oli fraet. Olgeta enjel oli kam blong talem long olgeta man blong lukaot long sipsip se pikinini ya I bon.

V10 Enjel I leftemap tingting blong olgeta mo I talem se "Yufala ino fraet mi mi gat wan gud nius blong talem long yufala, we I save mekem olgeta man oli harem gud tumas" Gud nius blong God I kam man long wol ya. (Incarnation)

V11 Long naet ya nomo long vilej ya blong King Deved bifo igat wan pikinini I jes bon we hem bambae I save sevem yufala. Hemia man ya we God I promes finis blong sanem I kam. Hemi Mesaea ya we I Masta blong yumi.

Profesi we ol Profet oli stap talem I kam fulfil long taem we Jisas I bon long taon ya blong King Deved bifo. ***Isa.25:9 It will be said on that day. Behold this is our God we have waited for him, that he might save us. This is the Lord we have waited for him let us rejoice and be glad in his salvation.***

Saen blong pikinini ya I olsem bambae yufala luk hem I stap long ples blong kakae blong ol anamol. Ol enjel oli witnes long toktok ya mo oli sing blong mekem deklereesen blong pikinini ya. Ol man blong lukaot long sipsip we oli ol las wan long komuniti mo kaen wok ya we enjel ikam thru long olgeta. (ol man blong laef stock)

v14 Long Heven antap we antap olgeta oli stap lefetmap nem blong God Mo long wol ya, pis istap wetem ol man we God I glad long olgeta.

Hemi wan taem blong yumi tingabaot Salvesen blong yumi we pikinini ya blong God ikam long wol ya blong I sevem yumi ol man long ol fasin nogud blong yumi Yu givim tingting blong yu long hao yu luk respond blong ol man from Krismas day?

- Yumi Jyos blong Jisas Kraes bambae yumi selebret olsem wanem?
- God istap long selebresen blong Krismas ya 2021 olsem wanem?

Christmas mo Niu Yia 2022 Gritings

Long behaf blong Christian Education Trainer insaed long Vila North Sesen mi wantem talem bigfala thank yu long ol memba blong evri CLCs mo olgeta Mission Field blong karemaot stadi ya.

Mi wantem tekem taem ya blong wishim evri memba blong wan wan famli blong yumi long Vila North Session wan HAPPY CHRISTMAS selebresen we God bambae I glad long hem.

Hemia I wan las Krismas Stadi we mi mo waef blong mi bambae mifala igat wetem yufala insaed long wanwan CLC blong yumi long Vila North Sesen long yia 2021.

Mo mitufala I wishim yufala wan HAPPY CHRISTMAS MO NIU YIA 2022 mo God bambae I blesem yumi long ol wok blong Jyos blong hem

- CLC I save mekem wan smol refreshment blong ol memba we oli kam long stadi blong Krismas blong oli share tugeta long hem bifo oli save go wanwan.

Prepared by CE VNS. Ps Solomon Vanuaroro. 2021

VNS CE 2021